

այլ եւս բաղումս, եթէ հնարեսցի ինչ ի կողմն Հայոց:

Իսկ Բդեշխն թէպէտեւ յոյս ետ նմա վասն դարման գտանելոյ իրացն, այլ հրամայեաց բերել առ ինքն զփականս Ս. Յակոբայ եւ պահեալ զայն առ իւր յաւանդ՝ առաքեաց արս և ետ կնքել զդուռն Ս. Յակոբայ: Եւ ապա ըստ աղաչելոյ Նղիազարու եւ ըստ յաճախելոյ խոստման դրամոցն, գրեաց ինքնին Բդեշխն թուղթ վկայութեան առ Եպարքոսն՝ թէ սուտ է այն ամբաստանութիւն Յունաց, զոր գրեալ են առ քեզ վասն Հայոց. զի ահա ասէ՝ վիճակ Հապեղաց ի ձեռս Յունաց է, և ոչ Հայոց. և եւս՝ չիք շինեալ Հայոց եկեղեցի ի Գազա. զի այն եկեղեցի՝ զորմէ գրեալ են Յոյնք, մզկիթ մեր է, ասէ, ի վաղ ժամանակաց: Իսկ զոր հրամայեալ է ձեր, թէ տեղին Ս. Յակոբ կոչեցեալ՝ ասցի Յունաց, անմարթ է լինիլ. զի ամենայն ազգ զիւր առանձին վիճակ ունի յերուսաղէմ, և Ս. Յակոբ Հայոց է ի սկզբանէ անտի:

Ձայս այսպէս գրեալ Բդեշխին Դամասկոսի՝ յղեաց ըզթուղթն առ Եպարքոսն ի ձեռն ուրումն իշխանի. ընդ նմին առաքեաց առ նա և ազնիւ ընծայս, և խնդրեաց զիր հաստատութեան՝ զի մի ելցէ Ս. Յակոբ ի ձեռաց Հայոց: Այլ յառաջ քան զժամանել իշխանի Բդեշխին ի Կոստանդինուպոլիս, եկն եհաս անդր Դաւիթ վարդապետ Բերիացի, և ծանոց Հայոց վասն չփոթութեանցն Երուսաղէմի, ունելով թուղթ աղաչանաց ի դիմաց Նղիազարու, և ոսկի յովով ի պէտս ծախուց, զորս յանձնեաց Ռուհիջան գործակալին:

Եւ նորա առեալ զոմանս ի մեծամեծացն Հայոց, գնաց վաղվաղակի առ ոտս Եպարքոսին, որ հանդերձեալ էր չուել յԱդրիանուպոլիս. այլ երկրորդն նորա, որ այն ինքն է Վէգիր քեահիսաի՝ իմացեալ զգալուստ նոցա, ի բաց վարեաց զնոսա՝ գիտացեալ թէ յինչ պատճառս են եկեալ: Եւ իբրեւ մեկնեցան նոքա անտի՝ եկն եհաս ի Կոստանդինուպոլիս թղթաբեր իշխանն, որում հանդիպեալ փութանակի Ռուհիջան հանդերձ 30 արամբք յերեւելեաց Հայոց՝ ետ նմա երաշխաւորութիւն, թէ պատրաստ եմք վճարել որչափ ինչ դրամք երթիցեն վասն հաճելոյ զԵպարքոսն ի ստանալ վերստին զՍ. Յակոբ: Եւ իշխանն ելեալ